



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3944/09
Sarajevo, 12.2.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 15.02.2010			
Organizaciona jedinica	Klasifikaciona oznaka	Redni broj	Broj priloga
01-50-1-16-66/09			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 114. sjednici održanoj 11.2.2010. godine, utvrdilo je Odgovor na zastupničko pitanje koje je postavio gosp. Martin Raguž, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-3944-1/09
Sarajevo, 11.2.2010. godine

Gospodin Martin Raguž, zastupnik Predstavničkog doma Parlamentarne skupštine Bosne i Hercegovine, na 66. sjednici Predstavničkog doma Parlamentarne skupštine Bosne i Hercegovine, održanoj 16.12.2009. godine, ponovio je pitanje u kojoj je fazi realiziranje zaključaka Vijeća ministara i Parlamentarne skupštine kojim su zadužili Ministarstvo za ljudska prava i izbjeglice i Ministarstvo financija i trezora da iznađu povoljne kreditne aranžmane u inozemstvu za financiranje i realiziranje projekata povratka izbjeglih i raseljenih osoba, kakvi su dosadašnji učinci i kakve su projekcije za naredni period?

Pitanje:»U kojoj je fazi realizacija ovih zaključaka Parlamentarne skupštine BiH, kakvi su dosadašnji učinci i kakve su projekcije za naredni period?«

Na postavljeno delagatsko pitanje, Vijeće ministara Bosne i Hercegovine je na 114. sjednici održanoj 11.2.2010. godine, utvrdilo je sljedeći

O D G O V O R

1. Pripremljena je i usvojena na Vijeću ministara Revidirana strategija za povratak izbjeglih i raseljenih lica koja će omogućiti da se na projektnoj osnovi kandiduje finansiranje kod međunarodnih finicijskih institucija.

2. U dosadešnjem periodu Ministarstvo financija i trezora Bosne i Hercegovine je učinilo sljedeće aktivnosti :

-Ambasadama i međunarodnim organizacijama u BiH u veljači 2009.godine upućeno je pismo sa molbom da razmotre mogućnost pružanja finacijske podrške u vidu donacije za osiguranje sredstava za financiranje povratka izbjeglih i raseljenih osoba i projekte održivog povratka. Pismo je upućeno na 25 adresa.

-Na sastancima Foruma za koordinaciju donatora (DCF) u drugom i petom mjesecu 2009.godine ponovo je aktualizirano ovo pitanje.

Na sastanku DCF-a u drugom mjesecu 2009.godine naglasen je značaj održivog povratka i implementacije Anexa VII Dejtonskog mirovnog sporazuma, i pozvani su zainteresovani članove DCF-a da doprinesu ovom procesu dodatnim sredstvima koja će staviti na raspolaganje.

Na sastanku DCF-a u petom mjesecu 2009.godine Ministarstvo za ljudska prava i izbjeglice, u saradnji sa UNHCR-om, pripremlilo je Prezentaciju o predloženoj revidiranoj Strategiji za implementaciju Anexa VII Dejtonskog mirovnog sporazuma, kao nastavak teme otvorene ne prethodnom DCF sastanku. Prezentacija je dala pregled postignutih rezultata, proces revidiranja strategije, trenutnu situaciju u BiH, investicije u sektor povratka, procjene za dalje potrebe ulaganja i zaključke VM i Parlamenta BiH, kao i naredne planirane korake.

Međutim, odgovor donatora na zahtjev bh. vlasti nije ohrabrujući. Naime, fokus donatorske pomoći se promjenio i ulaganja su sada orijentisana ka ekonomskom razvoju i prosperitetu BiH, što doprinosi stvaranju ambijenta za održiv povatak, i posredno podržava isti.

-Zatraženo je od Ministarstva za ljudska prava i izbjeglice BiH da se hitno dostavi projektna dokumentaciju na engleskom jeziku kako bi mogli uputiti zahtjeve za financiranjem prema međunarodnim financijskim institucijama, isto je učinjeno iz razloga što financijske institucije prije odobravanja financijskih sredstava odobravaju projekat ili program koji je konzistentan sa općim uvjetima te institucije (ne financiraju sve institucije ovakvu vrstu projekata), tako odobren projekat ili program ima preslik u kreditnoj dokumentaciji koja uključuje odobreni iznos, uvjete financiranja, kategorije troškova koja uključuje procenat učešća i financiranja radova i izgradnje, robe ili usluga, potrebu revizije utroška sredstava , alokaciju sredstava itd. Ministarstvo za ljudska prava i izbjeglice je izvijestilo da Program povratka izbjeglica i raseljenih u BiH nije usaglašen i prihvaćen na Vijeću ministara BiH, iz razloga što se traži u Programu rješavanja pitanja naknade štete i pitanje ostanka,

-Kontaktirani su Evropska banka za obnovu i razvoj (EBRD), Evropska investiciona banka EIB, radi obezbjedjenja kreditnih sredstava i konstatovano je odsustvo interesa za ovaj projekat;

-Kontaktirana je Razvojna banka Vijeća Evrope (CEB), i konstatovano je da je iscrpljen trogodišnji portfolio CEB/a za druge socijalne projekte u BiH,

-Naglašena je potreba i prioritetnost u financiranju projekata izbjeglih i raseljenih osoba prilikom posjete misije Japanske agencije za međunarodnu saradnju (JICA),

-obavljena je posjeta i razgovori sa Direktorom za Latinsku Ameriku i Evropu u OPEC fondu / Bec gdje je zatraženo hitno financiranje obećanih 7 mil USD kao i mogući nastavak financiranja. Prema dogovorenom pripremljena su pisma prema OPEC fondu i Saudijskom fondu sa zahtijevom za financiranje uz obećanje dostavljanja Programa.

-Aktualiziran je Projekat stambene obnove sa OPEC Fondom za međunarodni razvoj u iznosu od 7,0 miliona USD, te su održani razgovori sa predstavnicima OPEC Fonda gdje je dogovorena alokacija kredita na entitete i Brcko Distrikt, procenat troškova po pojedinim kategorijama, novi uvjeti kredita kao i forma kreditne i projektne dokumentacije. OPEC fond treba da dostavi nacрте sporazuma.

-Ministarstvo financija i trezora je sukladno zaključku Vijeća ministara BiH pokrenulo proceduru učlanjenja u Azijsku banku za razvitak (ADB), Islamsku banku za razvitak (IDB) i Afričku banku, radi proširenja mogućnosti financiranja između ostalih i ovog projekta;

-prilikom potpisivanja Sporazuma sa Saudijskim fondom za Projekat financiranja 4 bolnice u FBiH, održani su razgovori sa Potpredsjednikom Odbora Saudijskog fonda i Generalnim direktorom za upravljanje gdje je posebno ukazano na prioritetnost i potrebu Bosne i Hercegovine za financiranjem ovog projekta. Dogovoreno je da se uputi pismeni zahtijev prema Saudijskom fondu i dostavi Program. Pismo prema Saudijskom fondu je pripremljeno i nije upućeno iz razloga što još uvijek nije dobiven Program povratka izbjeglica i raseljenih u BiH;

- Posredstvom Ministarstva financija i trezora upriličen je sastanak (01.10.2009.g.) između predstavnika Saudijskog fonda i gospodina Safeta Halilovića, ministra za ljudska prava i izbjeglice, gdje je dogovoreno da se putem MFT dostavi zahtjev za financiranje ovog projekta sa

projektnom dokumentacijom Saudijskom fondu i da su oni voljni da odobre povoljan kredit u visini od oko USD 30,0 miliona.

- prilikom potpisivanja sporazuma sa Kuvajtskim fondom za arapski ekonomski razvitak za projekt „Autoput Kakanj- D.Gračanica, upriličen je sastanak delegacije Države Kuvajt sa gospodinom Safetom Halilovićem, ministarom za ljudska prava i izbjeglice.

3. Ministarstvo financija i trezora po osnovu Revidirane strategije i dostavljanja prioriternih projekata za povrat obnoviti zahtjeve za finansiranje prema međunarodnim finansijskim institucijama.

Obim financiranja će biti usuglašen sa mogućom dinamikom izgradnje i alokacije novčanih sredstava kroz više godina.

Novim Stand by aranžmanom Bosna i Hercegovina se obavezala na provođenje novih politika održanja fiskalne stabilnosti i zaduživanja, pa će time ukupan obim suverenog duga biti određen u skladu sa dopustivim okvirom javne potrošnje, a koji bude odobren od nadležnih institucija u Bosni i Hercegovini i usuglašen sa Međunarodnim monetarnim fondom.